

ԳԼՈՒԽ Ը.

ՏՐԱՊԵՋՈՆԻ ԽՈՐՀՐԴԱԺՈՂՈՎԸ

Տարակարծութեան միւս լուրջ աղբիւրը պատերազմի և խաղաղութեան հարցն էր, որը, ինչպէս արդէն բազմիցս նկատեցինք, անդրկովկասեան ժողովուրդներին բաժանել էր տարբեր, յաճախ, միմեանց թշնամի հատուածների: Այս հարցում կովկասեան ժողովուրդների տեսակէտը բաւական տարբեր էր իրարից. վրացիք և, մանաւանդ, հայերը ձգտում էին «պատուաւոր հաշտութեան»: «Այնպիսի հաշտութեան, որպիսին ստորագրեցին բոլշևիկները, մենք չե'նք ստորագրի. աւելի լաւ է պատուով մեռնել դիրքերում, քան թէ խայտառակել և սերունդների անէծքին մատնել», — Ն. Ժորճանիայի այս յայտարարութիւնը ընդունեց բուռն ծափերով Սէյմի կողմից, փետր. 15-ի նիստում:

Նոյնքան և աւելի վճռական էին հայերը: Սէյմի նոյն նիստում Յ. Քաջազունին Հ. Յ. Դաշնակցութեան Ֆրակցիայի անունից յայտարարեց. «Դաշնակցութիւնը հերթից դուրս դնում է պատերազմը վերջացնելու և Ռուսաստանի յեղափոխական ղեմոհրատիայի ազդարարած սկզբունքներով հաշտութիւն կնքելու հարցը — հաշտութիւն առանց բռնազրաւումի և ռազմատուգանքի՝ ժողովուրդների ինքնորոշման հիմունքով: Մեր ճակատում այս սկզբունքը պէտք է յանդի Թիւրքահայաստանի ինքնավարութեան ստեղծման»: Այսպիսով, հայկական տեսակէտը անհամեմատ աւելի որոշ էր, քան վրացիների անրովանդակ «պատուաւոր հաշտութիւն» խօսքը:

Աւելի կարուկ էր ազդեցւանցիների բանաձևը. նրանք պահանջում էին անմիջապէս վերջ տալ պատերազմին, բաւականանալ 1914 թւի սահմաններով և չխառնել Թիւրքիայի ներքին գործերին. թրքահայկական խնդիրը, նրանց համար, Թիւրքիայի ներքին գործ էր:

Ազդեցւանցիների կողմից յայտարարութիւն անող Ալայկը դեռ վարանոտ ու չափազանց զգոյշ արտայայտութիւններով էր ձևակերպում այս տեսակէտը. «Նիստ կերպով անցկացնել հարեւան պետութիւնների ներքին գործերին չմիջամտելու սկզբունքը»: Բայց հետզհետէ լեզուները բացւեցին, և Ազդեցւանի գործիչներն այլևս պէտք չէին զգում ծածկելու, որ իրենց համար «եղբայրական Թիւրքիայի» շահերը աւելի թանկ են, քան իրենց հարեւան հայերի ազգային բաղձանքները:

Յաջորդ նիստում, փետր. 16-ին, Սէյմը արդէն գործնականօրէն գրաւեց հաշտութեան խնդրով: Յանձնախմբի զեկուցաբեր Ն. Ռամիշվիլին